



Kamis, 01 Februari 2024

Ogen: Miha 6:1-5



“Perbahanen Tuhan Engkelini”



Kata Dibata si jadi ogen i bas paksa tenengta wari enda e me perkatan Dibata man anak-anakNa gelah kerina ia megati pengadun Dibata jenari mpersiapkan anak-anakNa guna ndatken pembelan arah Dibata nari. Dibata mpersingeti maka IA me Dibata si nelamatkan dinging mabai bangsaNa pulah arah kematen nari; si tetap nehken padanNa lako engkelengi bangsaNa; dinging maba kejuah-juahen nandangi bangsaNa. Perdalanen kegeluhen bangsa Israel megati kal erbahan si la ngena ate Dibata; tupung bangsa Israel ibaba ndarat i tanah perbudaken Mesir nari pe melala bangsa e nundalken Dibata. Erbahan patung-patung guna isembahna, ras erbahan korban persembahen. Perbahanen Tuhan engkelini e me tema wari enda. Tema enda jadi pergegeh kal man banta paksa gundari enda. Situasi ras kondisi si ialami kita pe megati kal bagi bangsa Israel. Kita pe megati erbahan si la ngena ate Dibata; nilah dinging la ngikutken Undang-Undang Tuhan; ngelakoken bagi sura-sura ukurta saja. Perbahanen si la uli si megati si dalanken la kepe engkurangi keleng ate Dibata lako tetap nehken keleng ate guna engkelini kita anak-anakNa. Perbahanen Tuhan e me min jadi pengarapenta. Megenggeng dinging setia kita tetap erdalan bas keleng ate Dibata, emaka selaku anak-anak Dibata si tetap ngaloken perkuah ate Dibata, patutlah kita ndalanken sura-sura Dibata i bas geluhta. Tetaplah si inget perbahanen Dibata si tetap mulahi kita arah erbage-bage kebiaren ras perbeben geluh. Ingetlah kekelengenNa la enggo ersibar man banta.

➤ Ingetlah tetap perbahanen Tuhan si nggo engkelini geluhta